

## RESOLUCIÓN POLA QUE SE MODIFICA O PERÍODO DE EXTRACCIÓN DE SEMENTE DE MEXILLÓN EN ROCHA DENTRO DO ÁMBITO TERRITORIAL DE COMPETENCIA DO DEPARTAMENTO TERRITORIAL DA CONSELLERÍA DO MAR EN VIGO

### ANTECEDENTES

1. O 24.04.2025, Ricardo Manuel Herbón González (52455006X) en representación da Asociación de Produtores de Mexillón de Galicia (G36041234), solicita a prórroga do prazo do período de extracción de semente de mexillón nos bancos naturais xa que os últimos temporais e condicións meteorolóxicas adversas limitaron a capacidade de captación de cría.
2. O 25.04.2025, solicítase informe ás asociacións profesionais do sector do mexillón. Remitiron contestación as seguintes entidades: Asociación de Mejilloneros profesionales "A Marxa", "Asmecruz" Sociedad Cooperativa Gallega, Asociación de Mexilloneiros da Illa de Arousa, Asociación Mexiloeira do Barbanza, Asociación de Produtores Mejilloneros "San Saturnino", Asociación de Produtores de Mexillón "Ansuiña", "Aimex", "Asmecruz" Sociedade Cooperativa, Federación de Asociacións de Mexilloeiros "Femex", Asociación de Miticultores de Galicia "Mitigal", e "Socomgal". Todas as asociacións informaron favorablemente.
3. O 30.04.2025 o subdirector xeral de Acuicultura e o xefe do Servizo de Innovación Tecnolóxica da Acuicultura emiten un informe no que indican que cómpre ampliar, con carácter extraordinario, o período de extracción de semente de mexillón en bancos naturais, agás no ámbito do Parque Nacional Marítimo Terrestre das Illas Atlánticas de Galicia, ata o 31.05.2025, cunha serie de limitacións en canto ás zonas de extracción.

### CONSIDERACIÓNS LEGAIS E TÉCNICAS

1. O Decreto 406/1996, do 7 de novembro, polo que se aproba o Regulamento de viveiros de cultivos mariños nas augas de Galicia, modificado polo Decreto 338/1999, do 3 de decembro, dispón que as condicións das habilitacións para o abastecemento de semente en banco natural, as zonas e períodos de extracción e as cantidades máximas a extraer en cada zona, se regularán mediante Orde da consellería competente en materia de acuicultura.





2. Por Orde do 26 de outubro do 2000 régulase a extracción de semente de mexillón en bancos naturais, e dispón no seu artigo 4 como período de extracción o comprendido entre o 1 de decembro e o 30 de abril. Á súa vez establécese que se prohíbe a extracción de semente os sábados, domingos e festivos.

3. A disposición adicional da Orde do 26 de outubro do 2000 establece que en función das características conxunturais de cada campaña e cando o seguimento e avaliación dos recursos o aconselle, a dirección territorial, dentro do ámbito da súa competencia, poderá modificar as zonas, cantidades e períodos de extracción mediante resolución motivada que deberá ser comunicada aos interesados.

4. A Orde do 19 de decembro de 2024, pola que se aproban os plans de xestión para recursos específicos e algas en Galicia para o trienio 2025-2027, e de selo caso nas resolucións de adaptación dos plans de xestión de percebe, que inclúen zonas de reserva para a extracción de semente de mexillón e zonas de explotación exclusiva de percebe, e as coordenadas xeográficas das destas establece zonas de reserva para a extracción de semente de mexillón e zonas de explotación exclusiva de percebe, e as coordenadas xeográficas das destas.

5. Consonte ao disposto no informe do subdirector xeral de Acuicultura e o xefe do Servizo de Innovación Tecnolóxica da Acuicultura emitido o 30.04.2025: "(...) *constátase que a dependencia dos factores climatolóxicos nos desoves do mexillón así como a limitación das zonas para a extracción de semente de mexillón en banco natural, ademais das borrascas que se sucederon este inverno, limitaron o número de días aptos para a realización desta actividade* ([https://www.meteogalicia.gal/observacion/informesclima/informesIndex.action?request\\_locale=es](https://www.meteogalicia.gal/observacion/informesclima/informesIndex.action?request_locale=es)).

*Por outra parte, resultan relevantes os resultados dos informes de recontos larvários feitos en colaboración co laboratorio de inmunoloxía (CINBIO) da Universidade de Vigo (UVIGO) e o Centro de Investigacións mariñas (CIMA) – que se poden consultar en: [http://www.intecmar.gal/informacion/fito/informes/I\\_Larvas2.aspx](http://www.intecmar.gal/informacion/fito/informes/I_Larvas2.aspx).*

Por conseguinte, o dito órgano, vistas as solicitudes achegadas e tendo en conta as posibles necesidades concretas para completar o abastecemento de semente de mexillón nalgunhas bateas, informa que cómpre ampliar o período de recolección de semente de mexillón en rocha ata o 31.05.2025 no marco do disposto na Orde do 26 de outubro do 2000, cunha serie de limitacións en canto ás zonas de extracción.

De acordo con todo o indicado, RESOLVO:





Ampliar, con carácter extraordinario, o período de extracción de semente de mexillón en rocha, disposto na Orde de 26 de outubro do 2000, dentro do ámbito territorial de competencia deste departamento, agás no ámbito do Parque Nacional Marítimo Terrestre das Illas Atlánticas de Galicia, **ata o 31.05.2025**, baixo as seguintes condicións:

- A recolección se fará no horario comprendido entre as 7:00 e as 20:00 horas.
- Respetarase a limitación de zonas que se regulan na Orde do 19 de decembro de 2024, pola que se aproban os plans de xestión para recursos específicos e algas en Galicia para o trienio 2025-2027, e de selo caso nas resolucións de adaptación dos plans de xestión de percebe, que inclúen zonas de reserva para a extracción de semente de mexillón e zonas de explotación exclusiva de percebe, e as coordenadas xeográficas das destas establece zonas de reserva para a extracción de semente de mexillón e zonas de explotación exclusiva de percebe, e as coordenadas xeográficas das destas.
- Respetarase a prohibición de extraer semente de mexillón os sábados, os domingos e os festivos.
- As declaracións de mexilla poderán ser realizadas mediante a aplicación MOV TIC, que se pode descargar, tal é como se explica no seguinte enlace: <https://www.pescadegalicia.gal/gl/movtic-sectorial>

Contra esta resolución, que non pon fin á vía administrativa, poderase interpoñer recurso de alzada no prazo dun mes ante persoa titular da Consellería do Mar, de conformidade co disposto nos artigos 121 e 122 da Lei 39/2015, do 1 de outubro, do procedemento administrativo común das administracións públicas.

Vigo,  
A directora territorial

